



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmma Totivs Theologiæ S. Thomæ Aqvinatis, Doctoris Angelici Ordinis Prædicatorum**

Svpplementvm Tertiæ Partis

**Thomas <von Aquin, Heiliger>**

**Romæ, 1619**

Vtrum mulier possit nubere alteri viro, ante carnalem copulam viro suo  
relegionem intrante? 3

**urn:nbn:de:hbz:466:1-38817**

Ecclesiam, quantum ad assumptionem humanæ naturæ in unitatem personæ, quæ omnino est indiu-  
sibilis.

Ad secundum dicendum, quod ante carnalem copulam non est omnino translatum corpus vnus sub potestate alterius, sed sub conditione, si interea alter coniugum ad frugem melioris vitæ non conuoluerit: sed per carnalem copulam completur dicta translatio, quia tunc intrat vterque in corporalem possessionem sibi traditæ potestatis. Vnde etiam ante carnalem copulam, non statim tenetur reddere debitum post matrimonium contractum per verba de presenti, sed datur ei tempus duorum mēsum propter tria. Primo, vt interim possit deliberare de transeundo ad religionem. Secundo, vt præparentur quæ sunt necessaria ad solennitatem nuptiarum. Tertio, ne vilem habeat maritus datam, quam non suspirauit dilatam.

Ad tertium dicendum, quod coniunctio matrimonialis ante carnalem copulam est quidem perfecta quantum ad esse primum: sed non consummata quantum ad actum, secundum quod est operatio: & limitatur possessioni corporali: & ideo nec omnino dicitur indiuisibilitatem habet.

9.42. ar.  
4. corp.

ARTIC. III.

*Vtrum mulier possit nubere alteri viro, ante carnalem copulam viro suo religionem ingresso?*

254

**A**D tertium sic proceditur. Videtur, quod mulier non possit nubere alteri viro, ante carnalem copulam viro suo religionem ingresso. Quia illud quod cum matrimonio stare potest, non soluit matrimoniale vinculum. Sed adhuc manet vinculum matrimoniale inter eos qui pari voto religionem intrant. Ergo ex hoc, quod vnus intrat religionem, alter non absoluitur à vinculo matrimoniali. Sed quomodo manet vinculum matrimoniale ad vnum, non potest nubere alteri. Ergo, &c.

¶ 2 Præterea, Vir post ingressum religionis potest ante professionem redire ad seculum. Si ergo mulier

posset  
se poss  
videtur  
¶ 3  
sio ante  
post ta  
cum re  
ligione  
alter  
SED  
quæ su  
ad per  
tur ad  
gredit  
RBS  
mors v  
mulier  
ta etia  
ingress  
Ad  
que pa  
lugali  
quando  
abrenu  
tur à v  
Ad  
mortui  
profess  
tenetur  
Ad  
emissa  
iudiciu  
votum  
tenetur  
nere: i

possit alteri nubere, viro intrante religionem, & ipse possit alteram ducere, rediens ad seculum: quod videtur absurdum.

¶ 3 Præterea, Per Decretalem ¶ nouam, professio ante annum emissa, pro nulla reputatur. Ergo si post talem professionem ad uxorem redeat, tenetur eum recipere. Ergo neque per introitum viri in religionem, neque per votum datur mulieri potestas alteri nubendi.

SED contra, Nullus potest alterum obligare ad ea quæ sunt perfectionis. Sed continentia est de his quæ ad perfectionem pertinent. Ergo mulier non ardeatur ad continentiam ex hoc quod vir religionem ingreditur: & sic potest nubere.

RESPONDEO dicendum, quod sicut corporalis mors viri hoc modo vinculum matrimoniale soluit, ut mulier nubat cui vult, secundum Apostoli sententiam: ita etiam post mortem spirituales viri per religionis ingressum poterit cui voluerit nubere.

Ad primum ergo dicendum, quod quando uterque pari voto continentiam vouet, tunc neuter conjugali vinculo abrenuntiat, & ideo adhuc manet: sed quando vnus tantum vouet, tunc quantum in se est, abrenuntiat vinculo conjugali: & ideo alter absoluitur à vinculo illo.

Ad secundum dicendum, quod non intelligitur mortuus seculo per religionis ingressum, quousque professionem emisit: & ideo vsque ad tempus illud tenetur eum vxor sua expectare.

Ad tertium dicendum, quod de professione sic emissa ante tempus determinatum à iure, est idem iudicium quod de voto simplici. Vnde sicut post votum simplex viri mulier ei debitum reddere non tenetur, tamen ipsa non habet potestatem alteri nubere: ita & hic.

*in decre.  
lib. 3. tit.  
31. & est  
de regul.  
& tran-  
seuntibus  
ad relig.  
cap. Ad  
Apost. &  
est c. 16.*